

Reglement De 3-kes Parade



Wae mei wilt doen aan de Parade van De 3-kes, wuurt verzoch zich te halde aan onderstaond reglement.

- 1** De 3-kes Parade vindt plaats op de zaoterdaag ein waek veur de Vastelaovend. Verzamele is tösse 11.00 en 11.45 oor. Parade-deilnemers waere in dit tiédsbestek beej de bioscoop aan de Picardie verwach. Hoéghede kinne mit de auto heej waere aafgezatte en via de roeie lauper eur opwachting make. 't Verzeuk is auto's vervólges örges anders te parkere in de binnestad. Beejveurbeeld parkeergarage Arsenal of in de buurt van de lokasie wao de Prinsefoto van dagblad De Limburger wuurt gemak.
- 2** Aan De 3-kes Parade meug slechts ein gemotoriseerd voertuig mei doen. Dao steit de onbekinde Nar op. Alle deilnemers Paradere dus te voet, '333 maeter' euver de Parade. Onderwaeg zien d'r sfeerpunte. Onder andere de Baja Beach Bar.
- 3** Oétdeile van snoepgood aan publiek meug.
- 4** 't Is neet toegestaon um beej 't opstelle (Picardie), tiédes de route (Parade en Jorisstraat) en op de mert confetti of andere feesversiering oét te goeie.
- 5** 't Is meugelik um zelf ein geluuédsinstallasie (mit microfoon) mei te neme. Let waal op mit 't geluudsniveau as d'r ein meziékgezelschap veur of achter ôg löp.
- 6** 't Is neet toegestaon um drank mei te neme tiédes de '333 maeter' paradere. Glaswerk, plastiék baekers, blikkes en flesse zien verbaoje.
- 7** Deilname aan de De 3-kes Parade kin allein plaatsvinde mit goedkeuring van de organisasie en de toéwiézing van ein plek aan de stoet. De 3-kes is verantwoordelik veur de samestelling van de stoet.
- 8** Vanaaf kefee de Locomotief geit de route via de Jorisstraat nao 't Stadhoes. Heej meuge de hoéghede van de gezelschappe de parterre van 't stadhoes in. Alle andere minse wuurt gevraog plaats te neme op de mert. Heej kin onder andere gekeke waere nao de hoèghede Parade op de catwalk.
- 9** Deilnemers aan de Parade waere gevraog um de aanwiézing van de organisasie en de begeleiding op te volge, zoéwaal veur, tiédes en nao 't Paradere. Punte wao dit reglement neet in verzuuét, waere beslis door de organisasie.

't Wuurt op priés gesteld as deilnemers aanwezig blieve op de mert as de bekindmaking van de Groët-Venloosche Nar plaatsvindt.